

翠山樓詩集
坤

柳田文庫

文庫11

A1194

2



文庫 11
A1194
2

仰日泉文庫

翠山樓詩集卷之下

石作貞士 幹 著

山文庫

岐 岨

永井祥世吉 校


七言律詩

冬夜讀書

數卷圖書机上橫，孤燈遙夜對閑情。
青雲無意三冬業，麗藻將傳一代名。
雪映紗窓寒更切，月窺細帙影殊清。
林風稍覺衣裳冷，山寺鳴鐘送曉聲。

泛舟桑海贈君謹兄

翠山樓集 卷之下 七言律



五言古詩集 卷之下
釣竿相伴放扁舟，迴棹逍遙任去留。
蘆荻風寒先命酒，江湖機息好隨鷗。
漁歌迴聽孤村暮，詩興時開萬壑秋。
為是高人憐客厚，陶然暫慰望鄉愁。

秋日送人遊高砂

送君何用說離愁，千里江山事勝遊。
南國探奇逢匹馬，西風無恙放孤舟。
金波夜涌高砂月，白鴈朝飛赤石秋。
但有烟霞添藻思，數篇方識滯刀頭。

秋日遊山寺

山上秋風試一攀，蕭條斜日照禪關。
蓮池水冷游魚

伏桂樹林香，宿鳥還雲月開時。
詩思動，霜鐘響，處塵談閑，樓頭坐久，塵機息轉，覺諸天隔世間。

奉和蘓門公遊勝澤院見寄之作余時寓西

蘭若山深似虎溪，伴僧多暇極攀躋。
連床竹裏棋聲靜，推牖林中日色低。
鳥雀含花迴古殿，烟霞入曲新題。
休言五柳門邊鎖，樽酒唯期太守携。

春江泛舟

雲蕩春光大海隈，烟霞千里望悠哉。
任流舟放桃花水，乘醉人憐竹葉杯。
皓齒青娥彈瑟處，金鱗白鳥泛

波來請看蘆荻洲邊月清興相迎一夜開

遙和賀伯魏陪大湫先生泛天女濱之作

高歌一曲寄山陰因識仙舟逸興深
萬里暮潮趨白馬三峯春雪落
瑤琴風迴神女洲邊舞雲起
驪龍波際吟醉裏壯遊蓬島外
轉教騷客思難禁

送人之長崎

此去何時崎港天布帆風穩解舟船
九州雲樹孤蓬外四島烟霞大海前
客路飛鴻音信遠旅亭寒月夢魂懸
徘徊若入華人館詩賦方知讓汝賢

懷張城友人

寂寞衡門暮色催相思更聽嶺猿哀
深林碧月愁中落長路青山夢裏開
文雅千秋憐屈宋風流幾歲接鄒枚
追隨簡梁園雪恰好揮毫試賦才

山亭雨中春望

茅屋蕭條雨似烟春山回望小窓前
林間雪盡生芳草巖畔冰開響玉泉
黃鳥欲鳴庭樹外垂楊弄色野村邊
待晴將向旗亭去囊底原餘買酒錢

壇浦懷古

渺茫壇浦水連天，懷昔源平戰伐年。千里腥風吹幔幕，數聲鳴鏑碎舟船。雲裘沈海蒼波暗，龍劍衝星紫氣懸。唯有古墳荒草遍，瓜生山下鎖愁烟。

甲午除夜

守歲小堂燈火紅，孤樽相對思無窮。雲含寒色猶催雪，柳洩春光已弄風。殘夜忽消鐘漏外，一年全盡酒杯中。居然縱有人顏變，明日鶯花興不空。

乙未新年作

日出春光萬國同，雲霞影暖小亭東。梅唇已待深林

雨鶯語猶稀，喬木風綴玉。金花开勝裏，含芳翠柏泛杯中。吟筇後是多幽賞，村外橫塘雪迤通。

宿江亭

山腰客舍大江傍，投宿烟嵐霽夕陽。兩岸風聲楓葉落，滿籬秋色菊花香。玄猿頻叫林間月，白雁群飛窓外霜。旅恨疲來聊假寐，夢中千里向家鄉。

復夜泛舟

清涼夜色大江濶，共避炎蒸此解襟。繞渚烟霞迎客霽，含風蘆荻繫舟深。詞中譬奪龍蛇窟，波際月澄湖

海心蓬底如澠樽酒滿何人時就獨醒吟

春日同諸子過飲永萬年別業

日落林亭醉裏留翠巖風度咽川流雲封一縣春光
暗雨散千山暮色幽秉燭俱憐今夜會看花同話昔
年遊推窓時望關門所不辨仙翁紫氣浮

秋夜泛舟

海畔霜飛木葉凋扁舟携酒慰無聊魚龍波穩秋光
靜牛斗天高夜色遙含月蘆花洲外亂隨風漁火水
中飄放歌清亮篷窓下醉態悠然聽急潮

奉寄北海先生

津城客中
謁于先生

朔天寒早雪飛初目送征鴻作尺書一夜杯樽南海
月三年風雨北山廬聲名不啻龍門望家世長傳鳳
穴譽駒隙看侵懷抱切莫令荀爽恨音疎

夏夜草堂集

簾前夜色滿蓮池不負茅堂杯酒期澤畔雲開梅雨
歇溪間地僻麥秋遲月清寧羨招涼壁林邃何裁苦
熱詩留客閑聞蛙一部傳風頻送野田湄

秋日舟行

落日孤帆挂，海流西風波。穩受行舟，山開明月窺。鮫室渚遠，清烟出，蜃樓飛雁呼群。霜露夜斷雲停影。荻蘆秋郵籤時，識前津近，回首篝燈數處幽。

遙題張州森鑿伯群仙館

仙館新開，日月留三花，珠樹幾春秋。藥苗嘗採天台，嶺石髓常穿蓬島，流金案玉杯隨。客至紅泉朱橘解，人憂黃山丹就，象龍去更醉清都十二樓。

秋日送人之三河

霜楓搖落別離時，堪聽清琴孤雀悲。步出張城官路

直行經海驛，客亭移鳳凰。山聳雲天際，杜若橋橫野水。酒自賦中郎旅衣，曲于今此處幾題詩。

秋日送人歸隱鵝湖

白髮當年老自休，鵝湖將擬五湖遊。一輪汀月團團夜，兩岸霜楓颯颯秋。城上雲迎漁艇出，磯邊烟繞釣綸浮。他時卜築開三迳，遙向荻蘆叢外求。

山寺送僧之西京

繁霜昨夜拂祇林，此去袈裟向洛潯。北野東山秋色好，鴨川鳩嶺暮烟深。高天明月窺趺坐，大刹清風起

梵音挂水寄懷千里外定知方有碧雲吟

十五夜草堂集

金天月色照茅茨更喜無違此夜期南海昨遊都似
夢北山今賞故開眉樓頭迎客聞歌曲厨下呼童命
酒卮共見微雲為點綴興來頻但舉杯遲

秋日登樓

薄暮林中上小樓當簷一帶白雲浮風寒笛裏關山
月霜落砧邊鴻雁秋業菊露濃依席發細泉巖聲入
琴流牆蘿恰好裁初服早晚應追麋鹿遊

寄澤道逸平安客舍

憶昨春風襲旅裝年華流水去茫茫夕過王墓通玄
理朝叩董林傳異方鼓瑟遙閑峯月照載樽人散迳
苔荒西山精衛遙飛處數字何勞致故鄉

奉謝蘓門公再枉駕

深林五月樹陰重石迳人稀綠蘚封籬落清風搖薜
荔池沼碧水挺芙蓉讀書窓下開幽興嘶馬門前覓
舊蹤高義無嫌供給之陶然盡日接音容

同賀伯魏過慈眼院

津城客
中作

江頭雨後白雲深，窸窣香臺倚樹陰。跌坐終年忘世事，傳燈永夜照禪心。室容蓮社談玄侶，賦擬天台擲地音。萍梗相逢千里客，聊携清興此披襟。

立秋前一夕同諸子寄懷東都藤文二同上

日暮庭梧葉葉風，憶人雲樹望江東。參商永夜愁難寄，湖海千秋感亦同。把酒樓頭誰阮子，論詩海上少車公。明朝恰好傳音信，萬里南天度雁鴻。

自西京歸賦奉蘓門公

炎雲盛復滯京師，昨夜歸來秋色悲。遮月梧桐風落

葉拂窓，松挂露濃枝。關河如夢長，亭路泉石留情幾。首詩君問烟霞深處所，琵琶湖水渺無涯。

秋夜忘機齋集同懷子琴得開字于時子琴客湖

西風雨歇嶺雲開，詩伴乘晴載酒來。投轄井前桐葉落，思人樓外雁聲催。蒼烟夜鎖蘆間艇，華月秋澄湖上臺。遙識勝情耽勝景，登臨不必賦悲哉。

寄懷谷通嘉

歸裝西出福州關，綠酒青樽照別顏。惠岳雲深天畔雁，其原月冷雪邊山。憶人燈下孤琴在，裁賦窓前一

夜閑聞爾小樓開，竹迳何時携手極躋攀。

寄友人

幽谷黃鶯未報春，繞看山上彩霞新。梅香襲袂江南客，雪色挑簾嶺北人。雲樹天遙迷極目，琴樽日久負相親。時逢驛使煩傳語，夜月愁心離索貧。

山亭送人之西京

山館杯搏寬別愁，醉中跨馬向皇州。神功遠照關原日，漁唱頻傳竹嶼舟。縹緲烟籠孤客恨，蒼茫浪動大湖秋。停鞭京口遙相望，隱見雲邊丹

鳳樓

秋日送人之繪島

尋勝孤筇更入東，岩荒繪島海潮中。丹霞照曜驪龍窟，玉樹玲瓏神女宮。天末雲明殘夜日，岸邊波白季秋風。行行遙向仙源去，故國音書不可通。

冬至諸子集草堂

流年忽值一陽生，北地還看飛雪輕。繞屋山雲催夜色，撲窓風霰送寒聲。酒杯俱逐林中興，詩賦誰同鄴下名。相對豈言愁日思，玄談更覺醉襟清。

初春夜永世吉至遂同訪田子琴病白子錫小

季文偶在同賦分韻得春字

雨雪山關不覺春林中伏枕擁衣中登堂偶值吟詩
侶訪疾時携問字人露井水清停嶺月苔園風冷響
牆筠數杯猶訝樽醪滿元自君家酒店隣

月夜送人遊奧州

清樽惜別月明中匹馬朝來去向東驛路山高殘晚
照關河霜落起秋風海回松島潮聲靜境入仙臺地
勢雄到處景光如此好詩篇應自遠遊工

夜雨懷友

蕭條夜雨故人疎挑盡孤燈獨掩扉夢後淚隨簷雷
落書中魂逐嶺鴻飛家醪後熟池蓮老壁榻空懸蛛
網圍為問重遊猶幾日青苔已見沒漁磯

春盡日清音樓集同賦得殷字

畫壁瓊樓繞翠山芳筵會客玉壺殷階萸全落憐春
盡砌竹深圍愛夜閑軒冕都忘邱壑下笙簧轉奏酒
杯間交情不倦通清曉能使吾曹醉裏還

得友人尾張之信賦答

靜夜柴門對月明，歸鴻千里自張城。江湖應養烟霞疾，麋鹿更親邱壑情。梅發天南逢驛使，風寒關北火山驚。休言春色懷鄉土，簷外深林殘雪清。

同友人泛江

澄江日霽試春遊，雨後烟波望轉幽。舞蝶風微尋茂草，潛魚水暖泛清流。紅霞繞杖桃花岸，香露沾衣杜若洲。堤上開樽俱把醉，醉來餘興棹輕舟。

寄蘭江師

松風吹落滿空園，燒雨名堂秋過鎖雪門。華表名嶺寒高

翔白窟城山夜靜，叫玄猿人間寧。解西來意夢裏難親，北去魂四壁蕭條塵榻掛。何時相對聽微言。

哭至曉上人

津城一自接同遊，夜燭曉窓春又秋。方外杯樽許元亮，社中詩賦讓湯休。衣巾每濕遺文淚，魚雁遙迷寄信愁。豈計忽為清泰客，人間交態竟悠悠。

早春訪蘭江師房分韻東字

金錫幾年鳴峽中，松雲路遠世塵空。谷深虛室常生白，林暖早梅時吐紅。詩賦殊傳正始韻，玄言坐聽永

嘉風香臺客至開簾望雪嶺千尋岨水東

春日郊行

青郊日暖草芳菲杖底輕風行拂衣林密黃鸝藏葉
嚙枝高粉蝶逐花飛村臨幽澗回春水山鎖層雲晚
色微未遇源頭秦代客俱貪佳景月中歸

秋夜寄懷新井直夫

世事堪憐負舊遊物華過眼歲如流薜蘿牆外花時
月蟋蟀聲中雨夜秋一榻塵生空掛壁孤樽酒熟以
登樓書窓獨語殘燈下山寺更鐘隔水幽

訪隱者不遇

蕭條秋色四峯連曳杖捫蘿入洞天紅樹密林垂玉
露蒼苔深澗灑丹泉犬雞途窄松門外猿窟堂空蕙
帳前似是主人行不遠窓中細細出爐烟

寄三河良哉和尚

懷昨秋光照別顏何時重得叩禪關樓高東海飛龍
地境擬西天靈鷲山揮麈曇花飄座上推窓松月落
庭間遙聞近結談經社幾客能傳心印還

春日草堂集

小亭晴景野川湄多暇開樽好賦詩日暖簷前雞鼓翼風恬門外柳懸絲入窓山影雲光動隔岸鐘聲暮色遲更喜同人俱健在交遊不改醉春時

五言絕句

御坂

有古道今則廢矣

古道無人跡玄猿叫落暉秋風紅樹裏又見白雲飛

病中偶成

孤月深林暮秋窓病裏開隣家多笑語知是酒徒來

仙人林下

寒潭藍水冷古岸彩雲飛仙子今何處空留一釣磯

西原田家春望

昨夜村中雨竹陰殘雪空試看河畔柳早已弄春風

小野瀑布

飛瀑千尋落下流碧澗分空留金石響未逢擲地文

新嫁娘

日出上粧樓日高下粧樓猶恐雲鬢亂數弄玉搔頭

得張州源季顯書云明春將東行

欲向關中去青春預有期行行東海道恰好百花時

病中

病中無一事，盡日世情閑。臥聽虛窓外，風聲度雪山。
美人隔牆折花。

梅樹春風裡，含香牆外斜。美人攀不得，恨殺一枝花。

春閨怨

十歲空閨裡，春風別恨長。菲蕪園外，色無路寄蕭郎。

秋日村行

西風斜日裡，行樂步孤村。曠網江濱，樹群鳥失宿喧。

還宿中津驛值人日

臘日福關去，人日返津川。往還十餘日，一瞬分二年。

偶成

夜雨山頭霽，深林洩月光。中庭時散步，條露濕衣裳。

雨晴

雨歇林亭夕，窓前暗碧梧。坐來山月至，葉葉露為珠。

望桑海

千山霜色淨，一望海雲開。舟棹誰家子，斜陽向北回。

病中

茅屋山之足，朔風四壁寒。病夫長不睡，曉月入窓殘。

城山弦月

忽代斜陽色城山纖影低思君詩未就已落數峯西

福島驛

秋風山驛靜雨後鐘聲幽日暮關門鎖炊烟處處浮

魚遠宅址

荒涼高館跡田畔細花秋懷古徘徊處鳥聲林裡幽

秋日村行

野外霜風勁林端木葉摧方知驅犢下牧笛數聲來

秋日山居

夜雨鐘聲濕秋風水響寒山亭無過客寂寞倚窓看

雪中閑步

閑步山中雪行行路欲迷深林鐘磬響始識近禪栖

冬日山亭

秋餘籬菊老晶晶野霜繁獨向斜陽立棲禽樹裏喧

宿江店

日暮投江店洲邊一鳥還漸看花際月清影散波間

冬日訪山中人

自臥深林裏未向市中遊門迳今朝雪履痕不可求

籠中鶯

養得巢中雛，未知山野春。錦籠冬日暖，早已好音新。

牧童

牧笛春風裏，聲聲滿暮山。漸看村外過，牛背馱花還。

贈永井氏茂馨

病裡聞君去，未起君歸時。聞君遊歷遠，更驚起日遲。

桑城

風波舟路遠，日落至桑城。津市人歸盡，寥寥賣蛤聲。

阿漕浦

阿漕春浦，草風暖。綠萋萋，小憩長松下。烟霞入望迷。

送人

清江春水滿，柳外泛扁舟。孤客從茲去，烟波暮色愁。

隱居花

春雨山中暖，閑花傍隱樓。深林城市隔，却愛不成驛。

僧院花

春風山上寺，清磬靜香筵。一鳥翔林外，含花繞戶邊。

富家花

名園春色滿，桃李闌芳菲。祇恐東風惡，故施錦障圍。

農家花

戶外黃鶯轉新花，傷竹欄。晝間農事急，夜夜月前看。

驛亭花

驛亭朝雨歇，行路晚花飛。滿目春光盡，年年客不歸。

山家花

山家春欲盡，終夜雨聲來。花樹無前後，交枝紅白開。

送小篤敏之伊勢

一去駒山月，遠尋熊岳春。行途千里外，日使客愁新。

病中

偶聽新鶯轉，思詩亦自眠。覺來詩未就，朝日照窓前。

林亭即事

終日林中飲，晚來過客歸。閑庭猶對月，不用掩柴扉。

病中贈世吉士禮

岐山花發日，萬里暮之春。未把芳時酒，同憐臥病人。

病中

病來唯偃臥，有時起對人。起臥一牀上，不知幾十旬。

和士禮見寄之作

東望關山月，南望大嵯雲。兩地苦相望，聲音不可聞。

架上藤

架上紫藤花，裊裊低拂地。卻勝河梁柳，青青含別意。

六言絕句

雜咏二首

白駒峯外，殘雪黑水橋邊。斷冰喬木，春鶯度曲。幽人躡屐，攀登。

亭後亭前，月色山南山北。猿聲秋風，戶戶刀尺。微曉聞砧杵，鳴。

七言絕句

閨中秋詞

夜色秋風獨不眠，瑤琴靜調想夫憐。曲終將望飛鴻外，落月空閨轉悵然。

少年行

咸陽年少錦貂裘，相值新豐日宴遊。醉入章臺歌舞處，春風柳外繫驂騮。

閨怨

江南秋色鴈鴻飛，北望長雲音信稀。燭影沈沈窗外雨，深閨一夜憶金微。

斜日

大悲閣上十
二物之一

金榜迎晴秋色斜，孤烟一帶繞人家。
簾前已見微陽盡，尚倚欄干對亂鴉。

曉霜 其二

蓮池水冷霽秋陰，白露為霜寶樹林。
碧瓦幾看留月色，初寒已入曉鐘音。

晴雪 其三

祗苑清寒布白銀，瓊宮珠樹望中新。
只今惟有吟詩客，不見門前立雪人。

池亭

池畔茅堂一路幽，橫塘春草翠烟浮。
游魚底事深潛匿，鸕羽鷓鷃立石頭。

市亭

青簾賣酒壚，隣日日得錢。
家不貧，一醉一醒心自遠。
衣裳豈染市中塵。

村亭

村邊花柳水流通，數頃田園春事終。
野叟相逢城市遠，携樽門外喚隣童。

野亭

雨後春風滿野塘，雙雙蝴蝶菜花黃。孤樽聊倚窗前坐，相逐隣雞度短牆。

巖亭

蓬蒿路沒竹籬幽，屋後白雲門外流。縱入夢中迷物色，不知何似傳巖遊。

松亭

采藥後山歸，每遲逍遙谷裏路。逶迤人間若問松林事，嶺上清風日夜吹。

冬日山驛曉發

山驛空濛雨雪寒，回頭燈火客樓殘。晨雞啼送孤村外，路轉深林十八盤。

夏日山亭午睡

綠樹陰涼細簟邊，清風吹度碧窓前。幽人盡日都無事，酌酒看山旦晝眠。

秋日山中旅行

雲裏鐘聲報素秋，孤村處處晚烟浮。山途日暮行人絕，唯有啼猿伴客愁。

舟行夜泊

秋江雲盡水連天，夜色蕭條岸畔船。
千里鄉愁人不寐，一篷風月荻蘆前。

秋日山寺曉起

山寺霜風冷，客衣通宵不寐待朝暉。
宿雲堆裡晨鐘響，祇樹棲禽次第飛。

客舍步月懷永世吉

蕭條客舍漏聲長，獨步閑庭月似霜。
想得去年離別夜，山亭杯酒對清光。

待月

閑庭夜色井梧秋，水冷蓮池殘暑收。
山上歸雲亂無力，西風吹散月華浮。

同懷鹽官子華臥病

秋高山氣倚窗重，頌想同人藻思濃。
正識病中眠不熟，通宵側枕聽寒蛩。

送永萬羊歷勢南之讚州

南州行盡又西州，憐爾輕裝擅旅遊。
跋屐湖山多勝地，征鞍幾處為詩留。

訪某禪師不遇

蒼松翠竹鎖禪扉，客到林中日色微。
金錫凌空何處去，唯看白雀隔峯飛。

山行

枕流亭外澗流清，曳杖遙追涼氣行。
取道空山最深處，林間唯聽暮蟬聲。

關原

平原布草綠，連空懷古徘徊仰。
聖功海內一從歸，馬後村翁擊壤樂堯風。

磨針嶺

磨針嶺高炎暑微，烟霞縹緲望依依。
連天一片琵琶水，風起千帆雲外飛。

送蘭江和尚之西京

雲遊西指萬重山，山盡滄江杯度閑。
回首遙懷趺坐地，天邊白雪是鄉關。

懷白子錫

山雨窻前標有梅，柴門人少厚莓苔。
居然琴瑟生塵夕，何事燈花報喜開。

黑水橋納涼

夜月溪風兩岸開，清流曲曲逐山回。
蒼松落水飛龍影，轉捲波濤涼氣來。

雨中即事

林雨冥濛望不開，岳雲千里盪春臺。
隔河遙識旗壇閣，霧裏鐘聲入座來。

送永士禮取道勢南之西京

送人春晚筑摩流滿目，飛花動別愁。
南海雲烟千萬里，濤聲盡處是皇州。

送永世吉之西京

治裝朝指白雲端，探勝豈辭行路難。
往傷琵琶湖上過，天台霞色馬頭看。

贈雲州田士貫

時寓桑名

九華城外扇陂流，落日提攜一上樓。
應憶西風鱸膾好，松江楓葉夢中秋。

次韻山鳴之見送之作

津城客中作

燈前此夜坐傷神，誰識交情別恨新。
書劔明朝從是去，深林鹿跡采薇人。

春雨夜贈友人

憐君千里客，天涯夜雨春。
風花落時方識故園楊柳，
色青青更入夢中垂。

和山鳴之見懷之作

江南詩興野梅前，驛使傳來萬里天。
為是故人懷我切，餘香猶自滿新篇。

連夜夢橫瀨士裕

山亭寂寞燭烟殘，夢裏分明盡舊歡。
欲說談中前夜夢，東窗復聽曉風寒。

送澤道逸歸鄉

福島關邊白雲飛，青衿歲莫訪庭闈。
妙年憐爾雞群雀，華表嶺頭嘆世非。

客夜

投宿巖居白露清，單衣風冷睡難成。
孤猿啼落西山月，總入愁人獨夜情。

送渡邊純一之張城

岨溪風色雪氍毹，寤寐林邊暫駐驂。
君見釣翁仙去後，白雲猶有鎖寒潭。

寄遠曲

征衣縫罷聞鴻度，拭淚邊書燈下。作三歲離愁，復值春容華早已先花落。

行平墓

村翁猶說舊風流，下馬徘徊暮景幽。孤客從來多古意，月林墳墓剝苔求。

張州客舍奉懷北海先生

客裏冬風海日曛，飛鴻城上許多群。鄉情別有相思切，回首濃江萬里雲。

懷石君謹

一字音書久不傳，索居無奈歎流年。山亭獨夜遙飛夢，海國風光雨雪天。

勢州客舍寄千村淳治

雨微風暖竹窗前，客裏歲華誰與憐。若問故人離後狀，孤燈夜夜對書眠。

冬夜

城頭落月度，群鴻獨坐殘燈感。慨中不結鄉關千里夢，深林通夜聽寒風。

奉蘓門公

樓前雪竹碧琅玕，瓌瓌風聲夜色寒。
方識新詩弦上曲，林中明月舞孤鸞。

望嶽原別業

苔園散步露華濃，田畔林風遠寺鐘。
唯恨春陰千里外，雲霞深鎖玉芙蓉。

大悲閣

大悲高閣繞雲霞，祇樹林中石磴斜。
下界東風春色遍，人人供佛幾枝花。

贈小季文

時其兄遭
流言辟居

岨溪二月雪猶殘，原上鵲鴿春色寒。
預識暖風新雨日，花枝相映結交歡。

題扇面富士山圖

岩崑富嶽彩雲端，望裏晴光白雪寒。
縮地唯今真有意，術芙蓉萬仞掌中看。

枕流亭即事

微醺憑檻動詩情，日落林中晚翠清。
坐愛溪風猶未返，暮蟬聲絕夜蟲鳴。

十五夜無月

澹雲細雨望中秋，小苑風來玉露流。此夜無人又無月，蕭條四壁草蟲愁。

野尻驛客舍

繁霜葉落驛邊秋，客舍蕭條月色浮。隔戶時聞僮僕語，通宵唯說異鄉愁。

山中

重重雲霧隔人間，霜後林風墜葉閑。未叩天門秋日落，一聲猿叫下寒山。

送田子琴遊諏訪

城頭秋色暮烟濃，旅館西風客意慵。乘月扁舟君試棹，湖中逆落玉芙蓉。
富士，倒影湖中之一奇

途中聞笛

日暮長堤稀往來，青田兩畔月明開。遙村吹笛誰家子，嘹唳餘音起客哀。

和中村士餘山中城懷古

人去人空幾歲年，空留城壘傷湖邊。徘徊弔古風騷客，一曲悲歌落日前。

過城山

古城山下雪埋蹊，落日林中去路迷。
馬上徘徊多戰地，寒風凜烈暮猿啼。

答藤文二

白雲誰道日相親，薄祿衣襟染緇塵。
却羨深川蘆荻暮鷗邊，垂釣息機人。

宿永井半菴宅

隨流數里遠，相尋病懶都無世上心。
將向仙林問丹藥，蒼茫夜色白雲深。

友人至

千歲交情傾肺腑，樽前抵掌醉中歡。
釣簾試見岑頭雪，孰與雙心相映寒。

過故人宅

輕風曳杖過林棲，處處黃鶯求友啼。
東去故人猶未返，門邊春草綠萋萋。

寄澤道逸

翠山樓上倚欄看，八澤風烟雨色寒。
報道旗亭新酒熟，好來當盡故人歡。

送人之京

關外雞聲叫曉風，橋邊送客思無窮。
不知何處多秋色，一片琵琶湖月中。

夏日山亭午睡

碧紋冰簟午風通，閑臥看雲炎暑空。
溪水響高幽夢覺，初知驟雨過林中。

賦揚柳枝送人歸鄉

春風把袂上河梁，堤下垂楊媚夕陽。
不繫征人歸意切，枝枝嫩色等閑長。

偶成

隱棲何用遠相求，寒月冷烟俱一樓。
多暇携來玉壺酒，醉吟唯見白雲浮。

送高美行登白雲山

金殿珠樓碧樹林，白雲山上彩雲深。
登攀試見中天色，萬里蒼茫世外心。

送松井恭卿

岐山春色暮春催，漸見黃鶯出谷來。
預訂往還將數日，關邊花木待君開。

翠山樓集 卷之十一
和世吉遊勝澤院見寄之作

禪棲翠柏鬱陰陰客至山中晚景深
苦寫白雲難贈色寄來時問臥遊心

病中遊驀馬津途中作

紅霞朝霽照衰顏肩舉行行憩樹間
不啻殘花開病眼幽禽啼送幾重山

翠山樓詩集卷之下終

翠山樓詩集跋


余與士幹同鄉里同所好幼而相愛壯而
又相愛士幹為人忠正精力過絕人幼從
父治吉良氏之禮夙夜不怠不數年而明
習父卒後從叔父匡繼學武藝不倦或演
習徹旦自鎗刀以至拳法諸藝皆極其奧

復學上杉氏之兵法亦頗入室後折節讀書時年二十餘矣人謂之晚也而日夜孜孜自奮力學遂負笈事大湫先生數年業成而歸歸則結廬於城山下讀書晝夜不出余嘗使人候伺之時且午也猶未開戶因窺窓隙則讀書秉燭自若矣蓋未知日之既及此也其精勤如此以故其學大進若火之然水之趨遂建鼓於一方云若夫詩之風骨音節者余不敢知但其好詩如吐也詩殆三千首矣門人惜其散亡從傍錄之今所上本纔其一二已以余悉士幹爲人也不獲不言書以爲跋

010190525800

安永丁酉春三月

山村良由識



安永六年丁酉春

京都

西堀川佛光寺下町

唐本屋吉左衛門

日本橋通南二町目

江戸

須原屋茂兵衛

芝神明前

藤木久市

尾州名古屋

風月孫助

勢州津

山形屋傳右衛門

